

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA  
OPĆINSKI SUD U KISELJAKU  
Broj: 49 0 K 065688 24 Kps  
Kiseljak, 28.02.2025. godine

## U IME FEDERACIJE BOSNE I HERCEGOVINE

Općinski sud u Kiseljaku, sudija Almina Hadžić - Iširlija, kao sudija za prethodno saslušanje, uz učešće zapisničara Darie Mrnjavac, u krivičnom predmetu protiv optuženog D.B. zbog krivičnog djela Neovlaštena proizvodnja i stavljanje u promet opojnih droga iz člana 238. stav. 1 Krivičnog zakona Federacije Bosne i Hercegovine, po optužnici Kantonalnog tužilaštva Srednjobosanskog kantona broj: T06 0 KT 0033626 23 od 15.02.2024. godine, potvrđenoj dana 18.04.2024. godine, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije u prisustvu zastupnika optužbe Kantonalnog tužilaštva Srednjobosanskog kantona .S.S., optuženog i njegovog branioca, advokata V.S., na osnovu odredbi člana 246. i člana 294. Zakona o krivičnom postupku Federacije Bosne i Hercegovine dana 28.02.2025. godine, donio je i javno objavio:

## P R E S U D U

### OPTUŽENI:

D.B. sin A. i majke R. rođene I., rođen .... godine u S., nastanjen u ul. B. br...., općina F., Hrvat, državljanin BiH i RH, JMBG: ..., završena SSS, pismen, po zanimanju trgovac, oženjen, otac jednog djeteta, vojsku nije služio, ne vodi se u VE, lošeg imovnog stanja, neosuđivan;

## K R I V J E

Što je:

Tokom 2023. godine pa sve do 19.05.2023. godine na području općine F., suprotno odredbi čl. 4. Zakona o sprečavanju i suzbijanju zloupotrebe opojnih droga („Sl. glasnik BiH“ br. 8/06, 103/08 i 51/11), iako je znao da se radi o materijama koje su propisom proglašene opojnim drogama, da je prodaja i držanje iste radi prodaje zakonom zabranjena, i htijući to, neovlašteno u više navrata prodavao opojnu drogu cannabis osobama i to: E.J., A.T., E.T., A.B., D.B. za novčane iznose od po 50 KM, da bi dana 19.05.2023. godine, oko 19,40 sati u ul. B. bb, općina F. prilikom kontrole od strane policijskih službenika PU Kiseljak kod sebe neovlašteno držao jedan prozirni pvc zamotuljak opojne droge Cannabis, neto mase 3,103 grama, koju opojnu drogu je dobrovoljno predao ovlaštenim službenim osobama PU Kiseljak, da bi istog dana, postupajući po Naredbi za pretresanje prostorija, sudije za prehodni postupak broj: 02/6-2-04-2-2/23, od strane ovlaštenih službenih osoba PU Kiseljak kod istog pronađena jedna metalna drobilica smeđe boje u obliku valjka dimenzija cca 2x4cm, na kojoj se nalaze tragovi zelene biljne materije koje predstavljaju opojnu drogu Cannabis, prozirni pvc paketić, sa sadržajem zelene biljne materije, neto mase 1,457 grama koje predstavljaju opojnu drogu Cannabis, te jedno pakovanje cigareta papira crno - crvene boje sa natpisom „Smoking DELUX“, na kojem pakovanju nisu pronađeni tragovi nepoznatih materija, što je sve oduzeto od strane ovlaštenih službenih osoba PU Kiseljak uz izdate potvrde o privremenom oduzimanju predmeta.

Dakle, neovlašteno prodavao i držao radi prodaje materije ili pripravke propisom proglašene opojnim drogama.

Čime je počinio krivično djelo Neovlaštena proizvodnja i stavljanje u promet opojnih droga iz čl. 238. st. 1. KZ F BiH.

Pa ga sud, na osnovu navedenih zakonskih odredbi, te primjenom odredbi člana 7., 41. stav a), 42., 43. i 49. KZ FBiH:

## O S U D U J E

### NA KAZNU ZATVORA U TRAJANJU OD 10 (DESET) MJESECI

Na osnovu odredbe člana 78. stav 1. KZ F BiH jedan prozirni pvc paketić u kojem se nalazi opojna droga Cannabis neto mase 3,103 grama oduzeta po Potvrdi o privremenom oduzimanju predmeta PU Kiseljak broj: 02/6-2-04-2-19/23 od 19.05.2023. godine, jedna metalna drobilica - mrvilica smeđe boje u obliku valjka dimenzija cca 2x4cm, prozirni pvc paketić, sa sadržajem zelene biljne materije, neto mase 1,457 grama koje predstavljaju opojnu drogu Cannabis, te jedno pakovanje cigaret papira (rizla) crno - crvene boje sa natpisom „Smoking DELUX“, oduzeti po Potvrdi o privremenom oduzimanju predmeta PU Kiseljak broj: 02/6-2-04-2-20/23 od 19.05.2023. godine se od optuženog trajno oduzimaju i isti će po pravosnažnosti presude biti uništeni.

Na osnovu odredbi člana 202. stav 1. ZKP FBiH, optuženi D.B. se obavezuje se na plaćanje troškova krivičnog postupka koji se odnose na troškove sudskog paušala, u iznosu od 100,00 KM (stotinu konvertibilnih maraka), u roku od 15 (petnaest) dana od dana pravosnažnosti presude.

## O b r a z l o ž e n j e

Optužnicom Katonalnog tužilaštva Srednjobosanskog kantona broj: T06 0 KT 0033626 23 od 15.02.2024. godine D.B. je optužen za krivično djelo neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije Bosne i Hercegovine (u daljem tekstu KZ FBiH), a koje je izvršeno na način, u vrijeme i u mjestu kako je to navedeno u izreci ove presude.

Sudija za prethodno saslušanje potvrdio je optužnicu dana 18.04.2024. godine, a optuženi je prije održavanja ročišta za izjašnjenje o krivnji sklopio Sporazum o priznanju krivnje sa Kantonalnim tužiocem Kantonalnog tužilaštva u Travniku broj: T06 0 KT 0033626 22 od 27.02.2025. godine, koji sporazum je dana 28.02.2025. godine dostavljen sudu, pa je sud održao ročište za razmatranje Sporazuma o priznanju krivnje.

Prilikom razmatranja predmetnog sporazuma sud je utvrdio da optuženi D.B. navedenim sporazumom priznaje krivnju za izvršeno krivično djelo neovlaštena proizvodnja i stavljanje u promet opojnih droga iz člana 238. stav. 1 KZ FBiH i istovremeno pristaje da se za navedeno krivično djelo osudi na kaznu zatvora u trajanju od 10 (deset) mjeseci.

Utvrđujući da li postoji dovoljno dokaza o krivnji optuženog na ročištu za razmatranje sporazuma o priznanju krivnje zastupnik optužbe je sudu prezentirao dokaze optužbe pribavljene u istrazi i to: Službena zabilješka PU Kiseljak broj: 02/6-2-04-2-226/23 od 19.05.2023. godine, Potvrda o privremenom oduzimanju predmeta PU Kiseljak broj: 02/6-2-04-2-19/23 od 19.05.2023. godine, Zapisnik o privremenom oduzimanju predmeta PU Kiseljak broj: 02/6-2-04-2-19-1/23 od 19.05.2023. godine, Naredba za pretresanje stana i dr. prostorija PU Kiseljak broj: 02/6-2-04-2-2/23 od 19.05.2023. godine, Potvrda o privremenom oduzimanju predmeta PU Kiseljak broj: 02/6-2-04-2-20/23 od 19.05.2023. godine, Zapisnik o pretresanju PU Kiseljak broj: 02/6-2-04-2-2-1/23

od 19.05.2023. godine, Zapisnik o usmenom zahtjevu za izdavanje naredbe za pretres Općinskog suda u Kiseljaku broj: 49 0 K 065688 23 Kpp od 22.05.2023. godine, Rješenje Općinskog suda u Kiseljaku broj: 49 0 K 065688 23 Kpp 2 od 22.05.2023. godine, Naredba Općinskog suda u Kiseljaku broj: 49 0 K 065688 23 Kpp 2 od 14.09.2023. godine, Naredba za vještačenje KT Travnik broj: T06 0 KT 0033626 23 od 25.09.2023. godine, Nalaz i mišljenje FUP Sarajevo Centar za forenzička ispitivanja, vještačenja i istraživanja, Odsjek za hemijsko toksikološka vještačenja Sarajevo broj: 09-18/2-03-5-1892 od 18.11.2023. godine, Izvod iz kaznene evidencije MUP-a Kantona Sarajevo broj: 02/5-2-03-8-2-3575 od 08.09.2023. godine za optuženog D.B., Fotodokumentacija PU Kiseljak broj: 02/6-2-04-2-48/23 od 20.06.2023. godine, Fotodokumentacija PU Kiseljak broj: 02/6-2-04-2-49/23 od 20.06.2023. godine, Bijela koverta oznake prilog uz akt broj: 09-18/2-03-5-1892 u kojoj se nalazi ostatak vještačenje materije - opojna droga cannabis, Zapisnik o saslušanju svjedoka E.J. PU Kiseljak broj: 02/6-2-04-2-230/23 od 22.05.2023. godine, Zapisnik o slušanju svjedoka A.T. PU Kiseljak broj: 02/6-2-04-2-231/23 od 23.05.2023. godine, Zapisnik o saslušanju svjedoka E.T. PU Kiseljak broj: 02/6-2-04-2-232/23 od 23.05.2023. godine, Zapisnik o saslušanju svjedoka A.B. PU Kiseljak broj: 02/6-2-04-2-234/23 od 24.05.2023. godine, Zapisnik o saslušanju svjedoka D.B. PU Kiseljak broj: 02/6-2-04-2-235/23 od 24.05.2023. godine, Zapisnik o saslušanju svjedoka S.G. PU Kiseljak broj: 02/6-2-04-2-466/23 od 21.09.2023. godine, Zapisnik o saslušanju svjedoka D.Z. PU Kiseljak broj: 02/6-2-04-2-467/23 od 21.09.2023. godine, Zapisnik o ispitivanju optuženog D.B. PU Kiseljak broj: 02/6-2-04-2-227/23 od 19.05.2023. godine.

Razmatrajući dostavljeni sporazum o priznanju krivnje sud je u skladu sa članom 246. stav 6. Zakona o krivičnom postupku Federacije Bosne i Hercegovine ( u daljem tekstu ZKP FBiH) najprije ispitao da li su ispunjeni svi uslovi propisani tačkama a) do e) navedene odredbe.

Sud je utvrdio da je optuženi zaključio navedeni sporazum dobrovoljno, svjesno i sa razumijevanjem, a nakon što je upoznat sa mogućim posljedicama, uključujući i posljedice vezane za eventualne imovinskopравни zahtjeve i troškove krivičnog postupka. Sud je također utvrdio da je optuženi razumio da se na ovaj način odriče prava na suđenje i da ne može izjaviti žalbu na krivičnopravnu sankciju, koja će mu biti izrečena, kao i da postoji dovoljno dokaza o krivnji optuženog za krivično djelo koje mu je optužnicom stavljeno na teret. Ispitano je i da li je predložena kazna u skladu sa odredbama člana 246. stav 3. ZKP FBiH).

Krivnja optuženog je potvrđena izvedenim dokazima posebno Zapisnicima o saslušanju svjedoka E.J. broj: 02/6-2-04-2-230/23 od 22.05.2023. godine, koji je izjavio da je unazad godinu dana od optuženog kupovao opojnu drogu Cannabis za novčani iznos od 50,00KM.

Također iz Zapisnika o saslušanju svjedoka A.T. broj: 02/6-2-04-2-231/23 od 23.05.2023. godine svjedoka koji također izjavio da je od optuženog kupovao drogu za iznos od 50,00KM i da je istu zadnji put kupio dana 19.05.2023. godine kao i Zapisnika o saslušanju svjedoka E.T. broj: 02/6-2-04-2-232/23 od 23.05.2023. godine, Zapisnika o saslušanju svjedoka A.B. broj: 02/6-2-04-2-234/23 od 24.05.2023. godine i Zapisnika o saslušanju svjedoka D.B. broj: 02/6-2-04-2-235/23 od 24.05.2023. godine koji svjedoci su u svojim izjavama naveli da od optuženog D.B. više puta i unazad par mjeseci kupovali opojnu drogu Cannabis za novčani iznos od 50,00KM, koji su plaćali prilikom preuzimanja opojne droge, kao i da su istu preuzimali na adresi ul. B.

Krivnja optuženog proizilazi iz svih materijalnih dokaza koji su provedeni u toku postupka iz kojih nesumljivo proizilazi da optuženi prilikom kontrole od strane Policijskih službenika PU Kiseljak kod sebe neovlašteno držao opojnu drogu koju je dobrovoljno predao, kao i drogu koja je pronađena na adresi optuženog prilikom pretresa i u količinama koje su navedene, kao i predmeti koji su pronađeni, a sve na način kako je to opisano u činjeničnom supstratu optužnice.

Analizom svih provedenih dokaza, kako pojedinačno tako i u njihovoj međusobnoj vezi, sud je utvrdio da ničim nisu dovedeni u sumnju, naročito imajući u vidu izjašnjenje optuženog da u potpunosti prihvata dokaze, da na njih nema primjedbi niti prigovora, te da svi provedeni dokazi potvrđuju priznanje krivnje optuženog i činjenične navode optužnice, zbog čega su ocijenjeni kao nesporni i samim tim, nije potrebno detaljnije obrazloženje istih u sudskoj odluci.

Svi prezentirani dokazi su nesporni među strankama na iste nije bilo nikakvih primjedbi niti prigovora od strane odbrane optuženog pa je sud zaključio da je zastupnik optužbe pružio dovoljno dokaza da je optuženi D.B. tokom 2023.godine pa sve do 19.05.2023.godine na području općine F., suprotno odredbi čl. 4. Zakona o sprečavanju i suzbijanju zloupotrebe opojnih droga („Sl. glasnik BiH“ br. 8/06, 103/08 i 51/11), iako je znao da se radi o materijama koje su propisom proglašene opojnim drogama, da je prodaja i držanje iste radi prodaje zakonom zabranjena, i htijući to, neovlašteno u više navrata prodavao opojnu drogu cannabis osobama i to: E.J., A.T., E. T., A.B., D.B. za novčane iznose od po 50 KM, da bi dana 19.05.2023. godine, oko 19,40 sati u ul. B. bb, općina F. prilikom kontrole od strane policijskih službenika PU Kiseljak kod sebe neovlašteno držao jedan prozirni pvc zamotuljak opojne droge Cannabis, neto mase 3,103 grama, koju opojnu drogu je dobrovoljno predao ovlaštenim službenim osobama PU Kiseljak, da bi istog dana, postupajući po Naredbi za pretresanje prostorija, sudije za prehodni postupak broj: 02/6-2-04-2-2/23, od strane ovlaštenih službenih osoba PU Kiseljak kod istog pronađena jedna metalna drobilica smeđe boje u obliku valjka dimenzija cca 2x4cm, na kojoj se nalaze tragovi zelene biljne materije koje predstavljaju opojnu drogu Cannabis, prozirni pvc paketić, sa sadržajem zelene biljne materije, neto mase 1,457 grama koje predstavljaju opojnu drogu Cannabis, te jedno pakovanje cigareta papira crno-crvene boje sa natpisom „Smoking DELUX“, na kojem pakovanju nisu pronađeni tragovi nepoznatih materija, što je sve oduzeto od strane ovlaštenih službenih osoba PU Kiseljak uz izdate potvrde o privremenom oduzimanju predmeta počinio krivično djelo Neovlaštena proizvodnja i stavljanje u promet opojnih droga iz čl. 238. st. 1. KZ F BiH.

Sud zaključuje da je optuženi navedeno krivično djelo počinio sa direktnim umišljajem, jer je bio svjestan svog djela da je zakonom zabranjeno prodaja i držanje opojne droge i htijući to neovlašteno u više navrata prodavao opojnu drogu Cannabis čime je krivično djelo počinio koje mu se optužnicom stavlja na teret sa direktnim umišljajem, jer je bio svjestan svog djela i htio njegovo izvršenje, zbog čega je oglašen krivim.

Na pretresu za izricanje krivičnopravne sankcije koji je održan odmah nakon prihvatanja sporazuma o priznanju krivnje zastupnik optužbe je ostao kod prijedloga iz sporazuma da se optuženom za krivično djelo koje mu se stavlja na teret izrekne kazna zatvora u trajanju od 10 (deset) mjeseci.

Također je predložio da se na osnovu odredbe člana 78. i člana 238. stav 4. KZ FBiH od optuženog trajno oduzme metalnu drobilicu smeđe boje, opojnu drogu cannabis u količini od 4,560 grama i jedno pakovanje cigareta papira crne boje rizla koja će se nakon pravosnažnosti presude uništiti.

Branilac optuženog se saglasio sa navodima zastupnika optužbe, te ukazujući na priznanje krivnje da optuženi dosada nije osuđivan niti kažnjavao, da je oženjen otac mladb. djeteta uzrasta 7,5 godina zaposlen je na neodređeno vrijeme i jedini ima novčana primanja od kojih izdržava sebe i svoju porodicu da se korektno ponašao za vrijeme postupka sarađivao sa organima gonjenja i priznao krivnju i na taj način doprinio brzom i efikasnijem okončanju postupka, te predložio da na osnovu svih ovih olakšavajućih okolnosti izrekne kazna zatvora u trajanju od 108deset) mjeseci.

Prilikom odlučivanja o vrsti i visini krivične sankcije za krivično djela za koja je optuženi oglašen krivim, sud je shodno članu 49. KZ FBiH, imao u vidu zakonski okvir kažnjavanja za navedeno krivičnog djela, ali i sve okolnosti koje mogu biti od uticaja da kazna bude veća ili manja, a naročito

stepen krivične odgovornosti optuženog, pobude iz kojih je djelo učinjeno, jačinu ugrožavanja zaštićenog dobra, okolnosti pod kojima je djelo učinjeno, kao i lične i porodične prilike optuženog i druge okolnosti.

Kao olakšavajuće okolnosti na strani optuženog sud je cijenio lične i porodične prilike da je optuženi porodična osoba, oženjen otac jednog djeteta da je zaposlen, da je jedini hranilac svoje porodice, kao i činjenicu da je neosuđivan.

Sud je cijenio iskreno kajanje optuženog kao i korektno držanje pred sudom, ali i saradnju sa Tužilaštvom već u ranoj fazi postupka i priznanje izvršenja krivičnog djela, čime je u mnogome doprinio utvrđivanju činjeničnog stanja i skraćanju krivičnog postupka, te efikasnom i ekonomičnom okončanju ovog krivičnog postupka.

Cijeneći olakšavajuće okolnosti na strani optuženog, te shodno odredbama člana 238. stav 1. u vezi sa odredbom člana člana 51. stav 1. tačka d) KZ FBiH izricanjem kazne ispod zakonskog minimuma sud je uvjerenja da će se upravo ovako izrečenom kaznom zatvora u trajanju od trajanju od 10 (deset ) mjeseci, u potpunosti postići svrha kažnjavanja u smislu odredbi člana 42. KZ FBiH, odnosno ostvariti specijalna prevencija, uticajem na optuženog da ubuduće ne čini krivična djela, kao i generalna prevencija, u vidu uticaja na druge da ne čine krivična djela.

Na osnovu odredbe člana 78. stav 1. KZ F BiH jedan prozirni pvc paketić u kojem se nalazi opojna droga Cannabis neto mase 3,103 grama oduzeta po Potvrdi o privremenom oduzimanju predmeta PU Kiseljak broj: 02/6-2-04-2-19/23 od 19.05.2023. godine, jedna metalna drobilica - mrvilica smeđe boje u obliku valjka dimenzija cca 2x4cm, prozirni pvc paketić, sa sadržajem zelene biljne materije, neto mase 1,457 grama koje predstavljaju opojnu drogu Cannabis, te jedno pakovanje cigaret papira (rizla) crno - crvene boje sa natpisom „Smoking DELUX“, oduzeti po Potvrdi o privremenom oduzimanju predmeta PU Kiseljak broj: 02/6-2-04-2-20/23 od 19.05.2023. godine se od optuženog trajno oduzimaju i isti će po pravosnažnosti presude biti uništeni.

Odluku o troškovima postupka, sud je donio na temelju na odredbi člana 202. stav 1. ZKP FBiH, kojom se optuženi obavezuje da nadoknadi troškove postupka koji se odnose na sudski paušal u iznosu od 100,00 KM, a koji iznos optuženi je dužan platiti u roku od 15 (petnaest) dana od dana pravosnažnosti presude.

Visina troškova je određena obzirom na dužinu trajanja, složenosti postupka kao i imovinske prilike optuženog, te sud smatra da time neće biti ugrožena egzistencija kako optuženog tako ni osoba koje izdržava i koje je po zakonu dužan izdržavati.

Zapisničar

Daria Mrnjavac

S U D I J A

za prethodno saslušanje  
Almina Hadžić - Iširlija

#### POUKA O PRAVNOM LIJEKU:

Protiv ove presude može se izjaviti žalba Kantonalnom sudu u Novom Travniku u roku od 15 dana od dana prijema pismenog otpavka presude. Žalba se ne može izjaviti u pogledu izrečene krivičnopravne sankcije.